

Жаңалық релизi**2026 жыл 4 ақпан 12:00 (0700 UTC) дейін жариялауға эмбарго**

FREEDOM HOLDING CORP.

ҚАЗАҚСТАНДАҒЫ ҚЫЗМЕТ КӨРСЕТУ САЛАЛАРЫ БОЙЫНША PMI®

Сауалнама тарихындағы ең жоғары баға инфляциясы

ҚҚС көтерілуі салдарынан бағаға қысым анағұрлым күшейді

Салыстырмалы түрде келер жылға сенім құлдырады

Іскери белсенділік пен жұмыспен қамту қайта өсті

Freedom Holding Corp. ұсынған соңғы PMI® қаңтарда ҚҚС көтерілген соң Қазақстанның қызмет көрсету саласында баға қысымы айтарлықтай күшейгенін тіркеді.

Шығын ең жоғары қарқынмен өсті. Сәйкесінше, компаниялар ұлғайған шығынды тұтынушыдан өндіріп алуды таңдады. Салдарынан 2019 жылдың наурызында басталған сауалнама тарихында алғаш рет баға аса жоғары қарқынмен көтерілді. Бұған қоса, алдағы жылға қатысты болжам тарихи тұрғыдан әлсіз күйінде қалды. Қазақстандық қызмет көрсетушілердің сенім деңгейі алдыңғы айда тіркелген төмен көрсеткіштен аз ғана оңалды.

Жағымды жаңалық та бар, іскери белсенділік қатарынан үш ай төмендеген соң қайта көтерілді. Қаңтарда сондай-ақ қызмет көрсету саласында жұмыспен қамту қайта жанданды.

Негізгі көрсеткіш – Іскери белсенділік индексі. Ол алдыңғы аймен салыстырғандағы іскери белсенділік ауқымындағы өзгерістерді анықтау мақсатында қойылатын жалғыз сұрақтың жауабына негізделеді. Индекс 0-ден 100-ге дейін, 50-ден жоғары көрсеткіш өсуді, 50-ден төмен көрсеткіш құлдырауды білдіреді. Индекс маусымдық ауытқуға қарай түзетіліп отырады.

Freedom Holding Corp. ұсынған PMI іскери белсенділік индексі қаңтарда бейтарап 50,0 мәнінен көтеріліп, желтоқсандағы 49,5 -тен 50,5-ке дейін өсті. Өсім төрт айда алғаш рет тіркелді, алайда қарқыны мардымсыз болды.

Жалпы, соңғы сауалнама кезеңінде жаңа бизнес көлемі орташа қарқынмен өсуін жалғастырды. Ұлғаю қарқыны сегіз айда алғаш рет жеделдеп, орташа көрсеткіштен жоғары болды. Сауалнамаға қатысушылар бұл өсімге негізгі сұраныстың артуы және бизнес модельдерді жаңғырту мен жаңа өнім түрлерін енгізу жөніндегі шешімдер ықпал етті дейді.


Соңғы 15 сауалнама кезеңінің әрқайсысында жаңа бизнестің өсімі байқалды.

Қуаныштысы, жұмыспен қамтуда оң өзгеріс бар, оған қаңтарда қызметкерлер санының қайта ұлғаюы дәлел. Төрт ай қатарынан аз да болса қысқарған жұмыс орындарының саны аздап өсті. Жаңа жұмыс орындарының ашылуы Қазақстанның қызмет көрсету саласына қызметкерлерді тарту белсенділігін арттырды.

Дегенмен, ҚҚС-тың көтерілуі қаңтарда баға мәселесіндегі

Freedom Holding Corp. Қазақстандағы қызмет көрсету салалары бойынша PMI

Индекс, маус.түзету, >50 = өткен аймен салыстырғанда өскен (айма-ай өскен)



Дерек 2026 ж. 12-27 Қаңтар аралығында жиналған

Дереккөз: Freedom Holding Corp, S&P Global PMI. ©2026 S&P Global.

Пікір

Ерлан Әбдікәрімов, Freedom Finance Global PLC (Freedom Holding Corp. 100% еншілесі) Қаржылық талдау департаментінің директоры:

"Қаңтар айында Қазақстанның қызмет көрсету саласында іскерлік белсенділік пен сұраныстың өсуі жалғасуда. ҚҚС-қа байланысты бағаның рекордтық өсуіне қарамастан, қызмет көрсету саласы дәстүрлі түрде өндіріс саласымен салыстырғанда төмен құбылмалылықпен сипатталады. Осы тұрақтылықтың арқасында жиынтық PMI желтоқсан айындағы деңгейде (49,7) қалып, өңдеу салаларындағы теріс динамика аясында неғұрлым терең құлдыраудың алдын алды. Сонымен қатар, тарихи тұрғыдан төмен 12 айлық күтілмдер қызмет көрсету саласының салықтық шоқты әзірге өз маржасы есебінен өтеп отырғанын көрсетеді. Сатып алу қабілетінің кейінге қалдырылған төмендеу тәуекелдері сақталғанымен, нарықта жарияланған өнім желісін және бизнес-модельдерді жаңарту жөніндегі шешімдер саланың салыстырмалы тұрақтылығы сақталады деген үміт береді."

ахуалды өзгертті. Қазақстанның қызмет көрсету саласында шығын жүктемесі күрт өсті. Ресурс бағасының инфляция қарқыны 2022 жылғы шілдеден бергі ең жоғары әрі сауалнама тарихындағы ең жеделінің бірі болды.

Кейбір респонденттер жалпы шикізат бағасының қымбаттауы осы жолы ресурс құнының өсуіне де ықпал еткенін хабарлады.

Шығынның ұлғаюынан едәуір қысымға ұшыраған қазақ қызмет көрсетушілері соңғы сауалнама кезеңінде жедел түрде бағаны көтеру арқылы жауап қайтарды. Дайын өнім бағасының инфляция қарқыны рекорд орнатты, ал респонденттер оны негізінен ҚҚС-ның көтерілуімен байланыстырып отыр.

Қаңтарда сұраныстың оңалғаны Қазақстандағы қызмет көрсету саласында алдағы жылға деген сенімді нығайтты. Дегенмен салық мөлшерлемесіне енгізілген өзгерістерге қатысты алаңдау жалпы оптимизм деңгейінің алдыңғы сауалнамада тіркелген ең төменгі көрсеткіштен сәл ғана жақсаруға ықпал етті.

FREEDOM HOLDING CORP. ҚАЗАҚСТАН БОЙЫНША АРАЛАС PMI

Сату бағалары рекордтық қарқынмен өсті, себебі қазақ компаниялар ҚҚС-ның көтерілуінен пайда болған шығынды жапқысы келеді


Қаңтарда Қазақстанның Аралас PMI Өндірістік индексі бес ай қатарынан 50,0 бейтарап мәнінен төмен қалыптасты. Өндіріс қарқыны төмен әрі желтоқсанмен салыстырғанда өзгеріссіз қалды. Алайда негізгі деректер өзгеріс барын көрсетті, соңғы деректерге сәйкес, құлдырау бұл жолы қызмет көрсету өңдеу өнеркәсібі саласында шоғырланған.

Қаңтарда жаңа тапсырыстар көбейіп қазіргі ұлғаю кезеңі шамамен екі жылға ұласты. Өсім қарқыны елеусіз және жоғарыда аталған кезеңдегі ең әлсіз көрсеткіштің бірі болды.

Соңғы сауалнама көрсеткендей ҚҚС көтерілген соң, инфляциялық қысым күшейді. Шығын ауыртпалығының ұлғаюы сауалнама тарихындағы ең қарқындының бірі болды. Сонымен қатар тариф инфляциясы қарқыны сауалнамадағы ең жоғары деңгейге жетті.


Келешекке қатысты қаңтарда фирмалар жеке сектордағы белсенділік жөнінде келер жылға оң болжам жасағанымен, сенім деңгейі тарихи орташа көрсеткіштен анағұрлым төмен болды. Бейресми деректер ҚҚС-ның әсерінен көңіл-күйдің түсуі жалғасқанын көрсетті.

■ PMI Ресурс бағасы ■ Баға белгілеу бойынша PMI
Индекс, маус.түзету, >50 = өткен аймен салыстырғанда инфляция



Дереккөз: Freedom Holding Corp, S&P Global PMI. ©2026 S&P Global.

■ Қазақстан бойынша аралас PMI Жалпы ішкі өнім (GDP) ■
Өндірістік индекс, маус.түзету, >50 = өткен айға қарағанда өскен % ж/ж



Дереккөз: Freedom Holding Corp, S&P Global PMI. ©2026 S&P Global.

Байланысушы тұлға

Ерлан Әдбікәрімов
Қаржылық талдау
департаментінің директоры
Freedom Finance Global PLC
Yerlan.abdikarimov@ffin.kz
Freedom Holding Corp

Қоғаммен байланыс
департаменті
Freedom Finance Global PLC
pr@ffin.kz
Freedom Holding Corp

Марьям Балуч
Экономист
S&P Global Market Intelligence
T: +44 (0) 1344 327 213
maryam.baluch@spglobal.com

Ханна Брук
ЕМҰА елдері бойынша
коммуникация менеджері
S&P Global Market Intelligence
T: +44 7483 439 812
hannah.brook@spglobal.com
press.mi@spglobal.com

Егер S&P Global жаңалықтар релизін алғыңыз келмесе
press.mi@spglobal.com поштасына хабарлаңыз. Біздің
құпиялық саясатымыз туралы [осы тұстан](#) оқыңыз.

Әдістеме

Freedom Holding Corp. Қазақстандағы қызмет көрсету салалары бойынша PMI® 250 жуық өндіруші компанияның сату жөніндегі менеджерлеріне жіберген сауалнамаға берілген жауаптер негізінде S&P Global әзірлеген.

Қамтылған салалар арасында тұтыну (бөлшек саудадан басқа), көлік, ақпарат, коммуникация, қаржы, сақтандыру, жылжымайтын мүлік және бизнес қызметтер бар. Бұл панел ЖІӨ-дегі үлесіне қарай нақты салалар мен компанияның жұмыс күшінің ауқымы бойынша жіктелген. Дерек жинау 2019 ж. наурыз айынан басталды.

Сауалнама жауаптары әр айдың екінші жартысында жиналады және оның алдындағы аймен салыстырғандағы өзгеріс бағытын көрсетеді. Таралу индексі әр сауалнама айнымалысы үшін есептеледі. Индекс - «жоғары» жауаптар пайызының қосындысы және «өзгермеген» жауаптар пайызының жартысы. Индекс 0 мен 100 аралығында құбылады, 50-ден жоғары мән алдыңғы аймен салыстырғандағы жалпы өсімді, 50-ден төмен жалпы қысқаруды білдіреді. Индекс маусымға қарай түзетіліп отырады.

Негізгі көрсеткіш қызмет көрсету саласындағы іскери белсенділік. Бұл алдыңғы аймен салыстырғанда іскерлік белсенділік ауқымының өзгерісі жайлы сауалға сүйеніп есептелетін таралу индексі. Қызмет көрсету саласындағы іскери белсенділік индексі өндірістегі өнім өндіру индексімен пара-пар. Ол «Қызмет көрсету бойынша PMI» аталғанымен өнім өндіру бойынша PMI негізгі көрсеткіштерімен пара-пар бола алмайды.

Аралас Өндірістік Индекс- Өндірістегі өнім өндіру индексі мен Қызмет көрсету саласындағы іскери белсенділік индексінің орташа мәні. Мәндер ресми ЖІӨ деректеріне сәйкес өнім өндіру және қызмет көрсету секторларындағы салыстырмалы ауқымды көрсетеді. Аралас Өндірістік Индекс «Аралас PMI» деп аталғанымен өнім өндіру бойынша PMI негізгі көрсеткіштерімен пара-пар бола алмайды.

Базалық сауалнама деректері жарияланған соң қайта қаралмайды, бірақ маусымдық түзету факторлары қажет кезде қайта қаралуы мүмкін, бұл маусымға орай түзетілген кейбір деректерге ықпал етеді.

PMI сауалнама әдістемесі туралы толық ақпарат алу үшін economics@spglobal.com поштасына жазыңыз.

Freedom Holding Corp.

Freedom Holding Corp. әртарапандырылған қаржылық қызмет көрсететін компания, брокерлік қызметпен, бағалы қағаздар саудасымен, инвестициялық зерттеулермен және консультация берумен, инвестициялық банктік және андеррайтингтік қызметтермен, ипотекамен, сақтандырумен, телекоммуникациямен, әуе билеттері мен мәдени және спорттық іс-шараларға билеттерді онлайн сатумен айналысады, онлайн супермаркет қызметтерін және басқаларын ұсынады.

Freedom Holding Corp. компаниясының еншілес компанияларын ескере отырып, 7,5 мыңнан астам қызметкері бар.

Холдингтің бөлімшелері мен еншілес компаниялары Қазақстан, АҚШ, Кипр, Польша, Испания, Өзбекстан, Әзірбайжан және басқаларын қоса алғанда 22 елде орналасқан.

Freedom Holding Corp. компаниясының жай акциялары АҚШ-тың Бағалы қағаздар және биржалар жөніндегі комиссиясында тіркелген және Nasdaq Capital Market-те FRHC тикерімен саудаланады.

www.freedomholdingcorp.com

S&P Global

Негізгі ақпаратты жеткізуші S&P Global (NYSE: SPGI). Үкімет, компаниялар және жеке тұлғалар сенімді шешім қабылдауы үшін, біз оларға қажет нақты деректер, тәжірибе және жүйеленген технология ұсынамыз. Клиенттердің жаңа инвестицияларды бағалауына көмектесіп, оларға ESG мәселесі бойынша кеңес беріп, жеткізу тізбегіндегі энергияның жаңа көзіне ауысуына ықпал ету арқылы біз жаңа мүмкіндіктер ашамыз, мәселелерді шешіп, бүкіл әлемдік прогресті тездетеміз.

Әлемдегі көптеген жетекші компаниялар кредит рейтингін жасау, мақсатты көрсеткіштер, әлемдік капитал, шикізат және автокөлік нарығындағы еңбек ағынын басқару әрі талдау мақсатында бізге жүгінеді. Әр ұсыныс арқылы біз әлемдегі жетекші ұйымдардың болашағын бүгін болжуына көмектесеміз.

www.spglobal.com

S&P Global ұсынған PMI

Сату менеджерлері индексі™ (PMI®) сауалнамалары қазір 40 астам мемлекетте, оған Еуроаймақты қоса отырып, маңызды өңірлерде жүргізіледі. Бұл аса мұқият зерделенетін әлемдік бизнес сауалнама, ол уақтылы, дәл және әдетте ай сайынғы экономикалық трендтердің айрықша индикаторы болатын деректерді ұсынатындықтан, орталық банктер, қаржы нарықтары, бизнестегі шешім қабылдаушы тұлғалар арасында танымал.

www.spglobal.com/marketintelligence/en/mi/products/pmi

Ескерту

Осы құжаттағы мәліметтердің зияткерлік меншігі не лицензиясы S&P Global және/немесе оның еншілес компанияларына тиесілі. S&P Global алдын-ала жазбаша мақұлдаспаса деректі кез-келген түрде рұқсатсыз қолдану, оның ішінде есепсіз көшіру не басқаша пайдалануға тиым салынады. S&P Global осы құжатта баяндалған мазмұн немесе ақпарат («Деректер»), Деректердегі кез келген қателік, шатасу, олқылық немесе кідірістерге қатысты және соларға сүйеніп жасалған әрекеттерге қатысты ешқандай жауапкершілік, міндеттеме немесе жүктеме алмайды. S&P Global Деректі қолданудан туған кез-келген арнайы, кездейсоқ немесе жанама шығындар үшін жауап бермейді. Сату менеджерлерінің индексі™ және PMI® сауда белгісі - S&P Global Inc тіркеген немесе S&P Global Inc және оның еншілестері лицензияланған сауда белгісі.

Бұл контентті S&P Global Ratings емес S&P Global Market Intelligence жариялады және алдыңғы аталған ұйым S&P Global құрамындағы жеке құрылым. Тиісті тараптан алдын-ала жазбаша рұқсат алмаған жағдайда рейтингді қоса («Контент») ақпаратты, дерек пен материалды көшіріп басуға тиім салынады. Сол тарап, оның еншілестері мен жеткізушілері («Контент жеткізушілері») кез-келген Контенттің нақтылығы, адекваттылығы, толыққандылығы, уақтылы болуы, оған қол жеткізілуіне кепілдік бермейді және (салғырттық немесе басқа) себебіне қарамастан кез-келген қателік немесе мүлт кетуге, осындай Контентті қолданудан туған нәтижеге жауап бермейді. Контент ұсынушылар ақпаратты кез-келген қолданудан туындаған (кірісті немесе пайданы жоғалту және балама шығындарды қоса алғанда) кез келген залал, шығын, зиян, сот алымдары немесе қаржылай шығыстар үшін жауапкершілік алмайды.